

APRIL 13 9
CAPITVLA SIVE
CONSTITVTIONES

Ecclesiasticæ per Archiepiscopum,
Episcopos, & reliquum Clerum Cantua-
riensis Prouinciæ in Synodo inchoata Londini vi-

cesimo quinto die mensis Octobris, Anno Domini millesi-
mo quingentesimo nonogesimo septimo, regniſque Serenissimæ in
Christo Principis, Dominae Elizabethæ, Dei gratia Angliæ, Franciæ,
& Hiberniæ Reginae, Fidei defensoris, &c. tricesimo nono, con-
gregatos tractatæ, ac postea per ipsam Regiam Maiesta-
tem approbatæ & confirmatæ, & vtrique Prouin-
ciæ tam Cantuariensi quàm Eboracensi
vt diligentius obseruentur, eadem
Regia authoritate sub magno
Sigillo Angliæ pro-
mulgatæ.



LONDINI

Excudebant Deputati Christo-
pheri Barker, Regiæ Maiestatis
Typographi.

Anno Domini 1597.

CAPITULA SIVE

1608
netherlands 1609

. of the world 1615

estate 1634

ttaine 1604

1621 &c.

Historie of Spaine 1612

1623

MSLATIONS



*Vt homines idonei ad sacros ordines, & Beneficia
(vti vocant) ecclesiastica admittantur.*



Rimò cautum est, ne quis post-
hac ad sacros ordines suscipi-
atur, qui non eodem quoque
tempore præsentationem sui-
ipsius ad beneficium aliquod
intra Diocœsim siue Iurisdi-
ctionem eiusdem Episcopi a
quo sacros ordines petit, tunc
vacans exhibuerit : Vel qui non eidem Episcopo
certum, verum & indubitatum Certificatorium at-
tulerit de ecclesia aliqua intra Diocœsim siue Iu-
risdictionem dicti Episcopi, in qua curæ animarū
inseruire possit : Vel qui in aliqua Cathedrali aut
Collegiata Ecclesia, vel Collegio Cantabrigiensi
aut Oxoniensi non fuerit constitutus : Vel saltem
qui ab eodem Episcopo in Beneficium aliquod, si-
ue ad Curam (vti vocant) inseruiendum tunc eti-
am vacantem, non sit mox admittendus.

Deinde, ne quis Episcopus posthac aliquē in sa-
cros ordines cooptet, qui non ex sua ipsius diocœsi
fuerit : nisi vel ex altera nostratum Academiarum
prodierit vel nisi literas (vt loquuntur) dimissorias

ab Episcopo cuius Diocesis existit, attulerit, & vicissimum quartum ætatis suæ annū iam compleuerit, ac etiam in altera dictarum Academicarum gradum aliquem scholasticū susceperit: Vel saltem nisi rationem fidei suæ iuxta Articulos illos Religionis in Synodo Episcoporum & Cleri approbatos Latino sermone reddere possit, adeo ut sacrarum literarum testimonia, quibus eorundem articulo-
rum veritas innuitur, recitare etiam valeat: Ac vltimis, de vita sua laudabili, & morum integritate literas testimoniales sub Sigillo vel alicuius Collegij Cantabrigiensis aut Oxoniensis, vbi antea moram fecerit, vel alicuius Iusticiarij ad pacem Dominae Reginae conseruandam assignati, vna cum subscriptione & testimonio aliorum proborum & fide dignorum hominum eiusdem parociae, vbi per tres annos ante proximè elapsos commoratus est, exhibeat. Vtq; hi sacri ordines diebus tantummodo Dominicis, ac festiuis, idq; publicè ac tempestiue in ecclesia vbi Episcopus moram traxerit, conferantur: Prouiso semper, vt vtriusque Academiae Collegiorum Socij, qui suorum Collegiorum statutis ad sacros ordines intra certum tempus suscipiendos tenentur, hoc decreto (quantum ad ætatem attinet) non obligentur. Quod si verò aliquis Episcopus aliquem ad sacros ordines admiserit, qui prædictis qualitatibus non sit præditus, is per Archiepiscopum, assidente sibi hac in parte vno alio Episcopo, ab ordinatione Ministrorum & Diaconorum per integrum biennium suspendatur, ac
cam.

eam præterea poenam incurrat, quæ de Iure in eius-
modi Episcopos qui ad ordines Ecclesiasticos sine
titulo aliquem promouebunt, statuitur.

Ad hæc, ne quis Episcopus aliquem in benefi-
cium (vt vocant) instituat, nisi qui prædictis condi-
tionibus ornatus fuerit.

Si verò Curia de Arcubus aut Audientia per
viam duplicis querele, seu alio quouis modo contra
Episcopum hac in parte agat, quia homines mini-
mè idoneos ac habiles admittere renuit: tunc licet
Archiepiscopo, vel autoritate propria vel gra-
tia speciali a Regia Maiestate Impetrata, eiusmodi
processus amputare, quò laudabilis Episcopi indu-
stria debitum ea ratione fortietur effectum.

Denique, vt quolibet anno ad festum Sancti Mi-
chaelis Archangeli, vel intra sex hebdomadas idem
festum subsequentes, vnusquisq; Episcopus nume-
rum, nomina, gradus & qualitates eorum omnium,
quos in sacros ordines, vel in aliqua Beneficia eo-
dem anno præcedente promouerit, ad Archiepis-
copum transmittat.

De Beneficiorum pluralitate cohibenda.

Quòd nemini in posterum facultas siue indul-
gentia concedetur de pluribus beneficijs si-
mul retinendis, nisi huiusmodi tantum, qui pro e-
ruditione sua & maxime digni, & ad officium su-
um plenius præstandum maxime habiles & idonei
censebuntur: Nimirum, vt is qui huiusmodi facul-

rate frueturus est, sit ad minimum artium magister,
 & publicus ac idoneus verbi diuini Concionator:
 Ita tamen vt idonea etiam cautione obstrictus re-
 neatur, de personali sua residentia in singulis Bene-
 ficijs per bonam anni cuiusque partem faciendis, &
 quod eiusmodi Beneficia triginta milliarium spatio
 ad summum non distent abinuicem. Deniq; quod
 idoneum Curatum habeat, qui plebem eius Paroe-
 ciae in qua non residebit, instituat ac informet, im-
 pò facultates eiusdē Beneficij talem commodè su-
 stinere posse Archiepiscopo, vel eius Diocesanos
 Episcopo videbuntur.

*Vt Beneficiati in suis Beneficijs Curatis hospitali-
 tatem exercent.*

Quoniam ecclesiarum Cathedralium Canonici
 siue Praebendarij ecclesiastica beneficia curata
 alibi saepius possident, & tamen pretendentes se ra-
 tione Praebendarum suarum a residentia in Curatis
 Beneficijs liberos & immunes, ad Cathedralis
 conuolant, ibiq; moram faciunt longiorem: Vnde
 nec curae parochianorum illis commissae satis pro-
 spicitur, nec pauperes domi suae sicuti difficultas
 huius temporis exigit aluntur atque sustentantur:
 Idcirco nos huic malo prouideri desiderantes, de-
 cretendum censuimus, vt omnes & singuli Canonici
 siue Praebendarij qui beneficia curata vnu siue duo
 obtinent (nec Residentiarij nec flarij in suis ecclesijs
 Cathedralibus existunt) ultra tempus quo in Catho-
 dralibus

50
dralibus residere tenentur, a Beneficijs suis Curatis
prætextu præbendarum se non absentent. Et si ali-
qui eorum, qui ad necessariam residentiam in Be-
neficijs Cathedralibus non tenentur, ultra tempus
vnius mensis aliquo anno in Ecclesijs illis Cathe-
drali moram traxerint, eos arctari volumus ad fa-
miliam in Beneficio suo Curato (non obstante mo-
ra in Cathedrali) alendam, & Hospitalitatem exer-
cendam, toto reliquo tempore quo a Curato abfu-
erint. Quod autem ad eos attinet, qui ad residen-
tiam in ecclesijs Cathedralibus faciendam, per or-
dinationes illius Ecclesiæ obligantur, & commu-
nis diuidentia participes sunt, eos ita inter se anni
tempora partiri volumus quoad residentiam in Ca-
thedralibus habendam, ut eorum aliqui in Eccle-
sijs illis semper adsint, & personaliter resideant. Ac
quod hæc omnia melius peragantur, Episcopi, vel
alij ad quos per ecclesiæ statuta vel ordinationes
pertinet, in suis respectiue Ecclesijs diligenter pro-
uidebunt.

*Ut Decani & Canonici in Ecclesijs Cathedra-
libus suis vicibus conciones habeant.*

CUM Beneficium propter Officium conferri de-
beat, æquum existimamus, ut ecclesiarum Ca-
thedralium Decani & Canonici omnes & singuli,
qui in sacris ordinibus sunt constituti, & ad Con-
ciones habendas in Ecclesijs suis Cathedralibus,
de Iure, Statutis, Ordinationibus, aut laudabili

B

consuetudine

consuetudine illius Ecclesiæ tenentur, in personis
suis propriis eas præstent, nec vicaria in ea re opera
vtantur, nisi ex causa ægritudinis, aut alia legitima
impediti, Concanonicum suum, vel alium in Theo-
logia eruditum ac ad concionandum auctoritate
sufficienti approbatum sua vice substituant. Quod
si qui huiusmodi Decani aut Canonici officium ea
in re neglexerint, oper Episcopum vel eos ad quos
iurisdictio pertinet, quoad se debite contineant, su-
spendantur.

*De moderandis indulgentijs pro celebratione ma-
trimonijs absq̃ trina bannorum denunciatione.*

Quandoquidem honestæ, claræ, ac illustis con-
ditionis homines, siue vrgente aliqua necessi-
tate, siue alijs non contemnendis rationibus, matri-
monij aliquando celebrandi causas habere possunt,
facultate sibi de Banis matrimonialibus aut non
omnino, aut semel iterumve denunciandis indulta,
sine aliquo grauiscandalo seu detrimento: Idcirco
ad euitanda generaliter quæ hac in parte notantur
incommoda, visum est cauere ne vllæ facultates si-
ue Indulgentiæ de celebrando absque bannis ma-
trimonio concedantur, nisi idonea cautio præstet sub
hisce conditionibus insatur: nimirum primò quod
nullum postea constabit impedimentum præcon-
tractus, consanguinitatis, affinitatis, vel vllius alterius
legitimæ causæ cuiuscunque ratione.

Secundò, quod eo tempore quo eiusmodi facultas

tas

tas siue indulgentia concedetur, nulla controuersia, lis seu querela mota est, vel dependetoram aliquo Iudice ecclesiastico aut ciuili, de cuiusmodi legitimo impedimento matrimonij inter huiusmodi personas contrahendi aut contracti. Ac tertio, quod ad nuptiarum solemnizationem non accedent, nisi assensu & expresso consensu parentum siue tutorum prius impetrato: Et ulterius quod matrimonij celebratio publice ac tempestiue in facie ecclesiae fiet. Cuius quidem cautionis formula seu exemplar in scriptis concipietur, ac unicuique Episcopo in sua cuiusque Diocesi imitanda proponetur.

Præterea adiiciendū putamus, ne cuiquam liceat Episcopalem dignitatem non obtinenti (Commisario ad facultates, ac Vicarijs generalibus Archiepiscopi & Episcoporum, sede plena: & sede vacante Custodibus Spiritualitatis ac Ordinarijs, Episcopalem iurisdictionem de Iure exercentibus, in suis iurisdictionibus respectiue exceptis) licentiam celebrandi matrimonia sine bannis concedere: Ea verò duntaxat per se, ac sub manuum suarum subscriptione, non per Deputatos aut Surrogatos suos, nec alijs quam suæ iurisdictioni subditis concedatur. Nulli autem cuiuscunque sexus, dignitatis aut ordinis (in parentum seu gubernatorum cura, & regimine esistenti) concedatur, nisi prius constiterit de expresso consensu parentum vel gubernatorum suorum (si forte parentes excoherine de vita) idque parentum significatione, aut gubernatorum

torum Iudici personaliter facta: vel Chirographis ipsorum, quibus fidem habendam esse non putamus, nisi per nuncios honestæ conditionis & famæ illis mittantur, qui fidem faciant se de parentum aut gubernatorum manu Chirographa huiusmodi recepisse veris nominibus ac cognominibus per huiusmodi nuncios designandorum: Cuius Chirographi exhibitionis, ac iuramenti per nuncium præstiti actum conscribi volumus. Nec verò alijs concedantur huiusmodi indulgentiæ, quam illustres & claræ conditionis hominibus, nisi vrgens necessitas intercesserit, eaque Iudici cognita fuerit.

Præterea in ipso dispensationis siue Licentiæ re-nore, Ecclesiæ habitationis siue commorationis alterius contrahentium, vel parentum & gubernatorum suorum exprimat, & tempus diei etiam congruū, nempe inter horas octauam & duodecimam ante meridiem assignetur.

Nec sine indulgentia a competente Iudice concessa, Minister aliquis matrimonium celebret, nisi trina bannorum denunciatione (per legitima intervalla) interueniente, sub poena constitutionibus Prouincialibus præscripta.

Prouiso semper, quod quicumq; contra hanc ordinationem deliquerit, ab executione officij per superiorem per sex integros menses suspendetur; & licentiæ huiusmodi viribus carebit, & pro nulla quoad poenam personis clandestinas nuptias celebrantibus imponendam habebitur.

De Sententijs diuortij non temerè ferendis.

ET quia matrimoniales causæ inter maiores hucusque semper habitæ fuerunt: Idcirco cum de matrimonijs in Iudicijs disceptatur, cautius agi oportet, præsertim verò cum matrimonium in Ecclesia solemnizatum, prætextu aliquo separari, vel nullum pronunciari postuletur, æquum igitur visum est.

Primum vt in huiusmodi diuortiorum & nullitatis matrimonij processibus, deliberatè procedatur, ac quantum fieri poterit, rei veritas, testium depositionibus, aliisque probationibus legitimis eruatur, nec partium confessioni (quæ in hijs causis sæpè fallax est) temerè confidatur.

Tùm vt nullæ posthac sententiæ vel separationis a thoro & mensa, vel nullitatis matrimonij ferantur, nisi publicè, ac pro tribunali, & de scientia & consensu vel Archiepiscopi, infra Prouinciā suā, vel Episcopi infra propriā diocēsim, Decani de Arcubus, Iudicis Audientiæ Cantuariensis, aut Vicariorum generalium, alorūque Officialium principalium, vel sede vacante Custodum spiritualitatis, aut aliorum Ordinariorum, quibus de Iure competit in suis respectiue Iurisdictionibus ac Curijs, atque inter suæ iurisdictionis subditos tantum, Deinde vt in Sententijs quando ad separationem Thori & mensæ tantum interponuntur, monitio & prohibitio fiat, vt a partibus ab inuicem segregatis castè viuatur, nec ad alias nuptias alterutra viuente con-

noletur: Deniq; quò postremum illud firmius ob-
seruetur, sententia separationis non antea pronun-
ciabitur, quàm qui eam postulauerint, cautionem fi-
deiussoriam sufficientem interposuerint, se contra
monitionem & prohibitionem nihil commissuros.

Iudex autem qui sententiam separationis seu di-
uortij tulerit, & premissa omnia non præstiterit, per
tres integros menses ab executione Officij sui per
Diocesānum suum suspendetur: Et sententia sepa-
rationis contra formam prædictā lata, pro nulla
ad omnem Iuris effectum habebitur, ac si omnino
lata non fuisset.

*De excessibus circa excommunicationem re-
formandis.*

QVia Excommunicationis vsus in ecclesia per-
petuæ legis vigore iam obtinuit, atq; in omni
iurisdictione ecclesiastica exercenda hucusq; reti-
netur, ideo absq; grandi mutatione totius eiusce iu-
risdictionis & plurimarum huius regni legum inno-
uari vel alterari nequit: Nihilominus vt Excōmu-
nicatio (quæ authoritatis ac disciplinæ ecclesia-
sticæ quasi neruus quidam, ac vinculum habenda
est) ad pristinum suum usum, decus & dignitatem
reducatur: Cautum est vt quotiescunq; censura ista
in immediatam poenam cuiusvis notoriæ hærestos,
schismatis, symoniæ, periurij, vsuræ, incestus, adul-
terij, seu grauioris alicuius criminis venerit infligē-
da, sententia ipsa vel per Archiepiscopum, Episcopum,

pum, Decanum, Archidiaconum vel Præbendarium (modò sacris ordinibus & ecclesiastica iurisdictione præditus fuerit) in propria persona pronuntiabitur, yna cum eiusmodi frequentia & assistentia quæ ad maiorem rei auctoritatem conciliandam conducere videbitur.

Deniq; quod vnusquisq; Vicarius generalis, Officialis, seu Commissarius, qui ordines ecclesiasticos non suscepit, eruditum aliquem presbyterum sibi accerset & associabit, qui sufficienti auctoritate vel ab ipso Episcopo in iurisdictione sua, vel ab Archidiacono (presbytero existente) in iurisdictione sua munitus, idq; ex præscripto ipsius Iudicis tunc præsentis excommunicationis sententiam pro contumacia denunciabit.

Volumus etiam, vt sicut constitutū est, eiusmodi excommunicationem per Ministrum ecclesiæ denunciari, ita ipse Iudex de absolutione ipsius rei post satisfactionem suam peractam, eundem Ministrum certiolem faciet, qui eandem absolutionem populo publicè denunciabit: ac interim quod benè licebit, dicto ministro reum à sacris arcere & repellere, tãquam in ecclesiam minimè recipiendum, donec eiusmodi certicatorium ab ipso Iudice exhibuerit.

De Recusantibus, & alijs excommunicatis publicè denunciandis.

CVrent Ordinarij locorum, vt tam excommunicati ex eo quod diuinis precibus infra hoc regnum

num Angliæ publica authoritatè stabilitis interesse pertinaciter recusauerint, quàm ij etiam qui propter aliam quamcunque causam legitimam excommunicationis sententia innodati fuerint, nisi infra tres continuos menses post latam excommunicationis sententiam se emendauerint, & absolutionis beneficium obtinuerint, singulis sex mensibus sequentibus, in ecclesia cum parochiali, tum etiam Cathedrali Diocesis in qua habitant, pro excommunicatis publicè denuncientur. Teneantur etiam Ordinarij prædicti de præmissis omnibus & singulis quolibet anno infra Festa Sancti Michaëlis & Natalis Domini, Archiepiscopum huius Prouinciæ in scriptis certiores facere.

De moderanda solennis poenitentiae commutatione.

NE quæ fiat posthac solennis poenitentiae cōmutatio, nisi ratiōribus grauioribusque de causis, atque adeo cum ipsi Episcopo constiterit, eam esse ad reum reconciliandum & reformandū sanctorem & tutiorem rationem.

Deinde quod multa illa pecuniaria vel in releuamē pauperum eiusdem parocciæ, vel in alios pios vsus erogetur, idque ecclesiæ solenniter & fideliter approbetur, & innotescat.

Quod si verò crimen fuerit notorium, ac publicum, Reus ipse vel in propria sua persona publicè in Ecclesia poenitentiam suam minimè fictam profutendo,

redo, læsæ ecclesiæ satisfaciens, vel ecclesiæ minister
in præsentia ipsius rei, palam e suggestu eius sub-
missionem, & poenitentiam suam coram Ordinario
suo peractionem, atque etiam in veræ suæ resipis-
centiæ Testimonium, quantam pecuniarum sum-
mam in usus supradictos erogandam reddiderit,
denunciabit.

Quicumq; verò absq; Episcopi Diocesani notitia
poenitentiam commutauerit, aut pecuniam ratione
commutationis huiusmodi solutam in alios usus
quam supra est expressum conuerterit, vel aliter
præsentem hanc constitutionem violauerit: Is ab
executione Officij sui per eundem Diocesenum
per tres integros menses suspendetur.

*De feodis quæ Officiarijs ecclesiasticis & eorum
ministri debentur.*

CAutum insuper volumus, quòd neq; alia, neq;
maiora feoda ab Episcopo, Ordinario, Archi-
diacono, vel bonum ministris deinceps vlla de causa
percipiantur, quam ea, quæ ineunte hoc regnum
regis nunc Maiestate percipi solebant: Quodque
tabula quædam singulorum huiusmodi feodorum
summas continens, in quolibet Consistorio ante
Festum Sancti Iohannis Baptistæ proxime ventu-
rum figatur, cuius exemplar manu ipsius Ordinarij
subsignatum intra tempus prædictum ad Archie-
piscopum transmittetur.

Iam verò quia dubitabile est, quænam certa
feoda

feoda pro singulis negotijs expediendis, in singulis
 respectiue foris ecclesiasticis quadraginta abhinc
 annis percipiebantur, his quæ vltus frequentior licet
 cedentibus ab eo tempore annis monstratur, atque
 approbauerit: Ideo decernendum putamus vt et
 tra vltimum diem mensis Maij proxime sequentem
 Episcopus quilibet, vel sede aliqua Episcopali vacante,
 Custos spiritualitatis ipse in curia tabulam
 manu Ius dicentis eiusque registrij sub scriptam
 publicè figi, vel in loco quolibet vbi ius ab illo di-
 cetur, vel aliàs publicè in eisdem iurisdictionis
 Archivo, ita vt quibus eiusdem tabula inspecta
 facultatem habeat: Quæ quidem tabula in se con-
 tinebit separatas summas singulorum feodorum
 quæ tam a Iudice, quàm a singulis alijs Officiarijs ac
 ministris eiusdem Curie frequentius ac vltimè
 ab initio regni dictæ Serenissimæ Regine, usque ad
 decimum octauum Maiestatis suæ annum percipi
 consueverunt: Curabit præterea quilibet Episco-
 pus, vel sede vacante Custos spiritualitatis, vt quili-
 bet Iudex huiusmodi citra vltimum diem præfati
 mensis Maij Episcopo suo, vel Custodi spiritualita-
 tis fidele & authenticum exemplar tabula feodo-
 rum præmissorum in Archivis Episcopi custodi-
 dum tradat: Qui vero contrafecerit, is ab execu-
 tione officij sui per Ordinarium suum tam ecclesiæ
 superiorem eò usque suspendatur, donec præmissis
 modo & forma superius specificatis perfecerit. Idem
 Quorum omnium exemplarum singuli Episcopi
 Provinciae Cantuariensis vel Custodes spirituali-
 tatis,

ratis; fidele & autentico Instrumentum in per-
gameno conscriptum; ad Archiepiscopum citra
vltimum diem mensis Octobris proxime futurum
transmittent.

Pœna vero cuiusque Officiarii, ac Ministri maio-
ra feoda quam quæ in huiusmodi tabulis respectu
exprimentur percipiunt; suspensio erit per sex
menses ab executione officij sui per Ordinarium
suum intelligenda; vel Ordinario negligente aut id
facere omitteute, per Archiepiscopum; qui alium
delinquentis loco interim deputabit.

Prouiso semper, quod si alicubi dubium fuerit
quæ feoda usq; ad prædictum decimum octauum
regiæ Maiestatis annum vsitatissime percipere sue-
rint: Tum ea feoda pro legitimis habebuntur quæ
per Archiepiscopum Cantuariensem sub manus
sue subscriptione approbabitur: nisi statuta hu-
ius regni Angliæ iam antea ædita, alia in quocunq;
casu feoda expressè præstiterint.

Prouiso insuper, quod neq; Archiepiscopo neq;
Episcopo, vel directe, vel indirecte aliqua pecuni-
arum summa pro admittendis ad sacros ordines
hominibus accipere licebit, idque sub pœna Inquisi-

De excessibus Apparitorum reformandis.

Praterea quoniam excessibus & gravaminibus
quæ per Apparitores inferri dicuntur, remedi-
um cupimus adhibere opportunum; videtur vt Ap-
paritorum multitudo, quantum fieri poterit, re-

stringatur; Non igitur licebit Episcopis vel Archidiaconis, eorumue Vicarijs seu Officialibus, alijsq; inferioribus Ordinarijs deputare & habere plures Apparitores, iurisdictionibus suis respectiue inferuientes, quam ante viginti annos præteritos, vel ipsi vel prædecessores sui habere consueuerunt, qui omnes per se suum fideliter exequantur officium, Nec per nuncios aut substitutos quocunq; quæsito colore, sua vice mandatorum executiones demandent, aut permittant, nisi ex causa ab ordinario illius loci prius cognita & approbata: Tum vt promotorum Officij, vel denunciatorum personas omnino non sustineant, seoda ampliora vel maiora, quam quæ his constitutionibus superius statuuntur, non exigant.

Quòd si plures quam superius est expressum deputati, vel illorum aliqui præmissa violauerint, deputantes si Episcopi existant, moniti per superiorem supernumerarios dimittant. Inferiores verò Episcopis Ordinarijs, ab executione Officij suspendantur, donec huiusmodi deputatos amouerint, deputati autem ipsi ab Apparitorum Officio moueantur perpetuo: Et si amotinon desistant, tanquam contumaces Canonicis censuris coerceantur.

Præterea in causis Officij & correctionis ne quæ fiant Citationes generales (quæ vulgò *Quorum nomina* dicuntur) nisi partes citandæ veris nominibus expressis per registrarium in ipsa scheda citationi annexa, & sigillo munita scribantur: eademque schedula ius dicentis manu subscribatur,

sub

sub poena coercionis ecclesiasticae per Diocesani
delinquenti infligenda.

*De Registris in Ecclesijs saluæ Custodie com-
mittendis.*

ET quia Registra in ecclesijs (quorum permagnus
usus est) fideliter volumus custodiri: Primum
statuendum putamus, vt in singulis visitationibus
admoneantur ministri, & oeconomi ecclesiarum
de Iniunctionibus regijs ea in re diligentius obser-
uandis.

Deinde vt libri ad hunc usum destinati, quò tu-
tius reseruari & ad posteritatis memoriam propa-
gari possint, ex pergamento sumptibus parochiano-
rum in posterum conficiantur: Illque non modò
ex veteribus libris cartaceis trāsumpta nomina eo-
rum, qui regnante serenissima Domina nostra *Eliz-
abetha*, aut baptismatis aqua abluati, aut matrimo-
nio copulati, aut ecclesiastica sepultura Beneficio
affecti sint, suo ordine sumptibus parochianorum
inscribantur: Sed eorum etiam, qui in posterum
baptizati, vel matrimonio coniuncti aut sepulti
fuerint.

Ac ne quid vel dolo commissum, vel omissum
negligenter redarguatur, Quæ per singulas hebdo-
madas in hisce libris inscripta nomina fuerint, ea
singulis diebus Dominicis post præces matutinas
aut vespertinas finitas, aperte ac distincte per mini-
strum legantur, die ac mense quibus singula gesta
sunt

sum sigillatim & dictis locis innotescant. Postquam autem pagina in aliquam integram multorum nominum inscriptio compleuerit, tum ministris, tum Gardianis ipsius parochie subscriptionibus volumus eam committi.

Idemque in transumptis ex veteribus libris cartaceis, paginis singulis fieri, sed diligentius ac fidelius, prius habita collatione, neque verò in vnius cuiusquam custodia librum illum, sed in Cista publicâ, eaque trifariam obseruata & seruandum putamus, ita ut neque sine ministro Gardiani, nec sine vtriusque gardianis minister quicquam possit innouare.

Postremum est, ut exemplar quodannis cuiusque anni aucta nominum inscriptionis ad Episcopi Diocesani registrum per Gardianos infra mensem post Festum Paschatis transmittatur, & sine feodoylo recipiatur, atque in Archivis Episcopi fideliter custodiat.

Quicumque verò in præmissis eorumve aliquo deliquerit, is ut delicti qualitas iusque postulauerit puniatur.

Omniaque & singula in eisdem contenta, Regia Maestas per suas Litteras Patentes gerentes dat. apud Westmonasterium decimo octavo die Ianuarii anno regni sui quadragesimo, ratificauit, confirmauit ac stabilis. Ipsaque ab omnibus regis sui subditis vtriusque Prouinciæ Cantuariensis & Eboracensis

racensis, quatenus eorum aliquem concernunt, diligenter exequenda, ac observanda autoritate sua regia proposuit, promulgavit, & per easdem Literas Patentes sic per eos observari præcepit, iniunxit & mandavit, prout in eisdem literis Patentibus, Sigillo magno Angliæ sigillatis plenius liquet & apparet.



faciente, quatenus eorum aliquid concedunt, di-
 ligenter exquirenda ad obsequia auctoritate sua
 regis proponunt, et nonnulli, & per eadem Lite-
 ras Licentias de hoc eos obsecrari precepit, inun-
 xi & mandavit, prout in eisdem literis Patentibus
 Sigillo nostro Anglie sigillatis plenius liquet &

apparet.



EXEMPLARIA

Licentiæ seu facultatis

Matrimonij absq; trina Bannorum
promulgatione celebrandi in singu-
lis Episcopatibus observanda.

LICENTIA UBI

vterque vel alter contrahen-
tium sub parentum vel gubernatorum po-
testate exultit.

*Permissione divina L. Episcopus:
Dilectis nobis in Christo D. C. Pa-
rochia de B. filio naturali & legitimo
I. C. Parochia de F. generoso, & N.
O. puella, filia naturali & legitima
B. O. Parochia de M. nostrarum E.*

*Dioceses & Iurisdictionis, salutem: Cum vos (ut
asseritax) ad solemnizationem matrimonij veri & legi-
timi de expresse consensu & assensu parentum & gu-
bernatorum vestrorum, ad utriusque vestrum procedere
decreveritis: Illudque in facie Ecclesie cum ea qua fieri
poterit matura celeritate solemnizari facere & obtinere
magno prede desideratis: Nos volentes ut honesta hæc ve-
stra desideria debitum celeritæ consequantur effectum:
Ita igitur matrimonium huiusmodi in Ecclesia de F.
(exprimendo Ecclesiam alterius contrahentium,*

SINE

D.

vel

vel parētum aut gubernatorum suorum) per Rectorē
 rem, Vicarium seu Curatū eiusdem ecclesiæ Bannus ma-
 trimonialibus vniūq; vice tempore solemnizationis eius-
 dem matrimonij (vbi moris est) publice editis, libere &
 licite solemnizari facere & obtinere possitis & valeatis,
 post cautionem fideiussariam sufficientem ex parte ve-
 stra interpositam, iuxta constitutiones auctoritate regia
 nuper editas. Dūmodo vobis ratione consanguinitatis,
 affinitatis, praecontractus, vel alterius causa cuiuscunque
 de iure prohibita nullum legitimū in ea parte obstitit
 impedimentum, nec vlla sit, controuersia, seu querela
 morā sit vel pendeat coram aliquo Iudice ecclesiastico vel
 civilī de matrimonio aliquo contracto vel allegato cum
 alterutro vestrum, & Ministro ecclesiæ prædictæ prius
 constiterit, vos ad huiusmodi matrimonij celebrationem
 accedere de & cum expresso consensu parentum vel gu-
 bernatorum vestrorum, ac modo matrimonij huiusmodi
 celebratio publice in ecclesiā de F. prædictā fiat inter ho-
 ras octauam & duodecimam antemeridianas, absque ta-
 men præiudicio Ministri ecclesiæ de M. vbi dicta N. O.
 Parochiana existit, Licentiam & Facultatem tam vobis
 contrahentibus, quam Rectori, Vicario aut Curato eccle-
 siæ prædictæ designatæ matrimonij huiusmodi inter vos
 solemnizandi sub modo & forma superius specificatis,
 iuxta ritus libri publicarum precum auctoritate Parlia-
 menti in ea parte editi & stabiliti, necnon omnibus a-
 lijs Christi fidelibus eidem solemnizationi interessendi,
 ex certis causis legitimis & rationabilibus per nos appro-
 batis, quatenus in nobis est, et iura regni patiuntur in hac
 parte benignè concedimus & impertimur per presentes.

Proviso semper, quod si alteruter vestrum clarioris aut illustrioris conditionis sit quam nobis suggestum est, & quam ex cognomine & additamento in hijs literis insertis colligi facile potest, aut si aliqua fraus in posterum appareat vel falsitatis nobis suggesta, vel suppressa veritatis tempore huius Licentia obtenta: Tunc hac Licentia nostra irrita sit ad omnem iuris effectum ac si omnino concessa non fuisset: Et eo casu inhibemus quibusvis ministris (modo pramissorum aliquod eis innotuerit) ne ad solemnizationem dicti matrimonij procedant, nisi nobis, aut Vicario nostro in spiritualibus generali prius consultis: In cuius rei testimonium &c.

The minister shall not solemnize this marriage, without the consent of their parents or governors, who are hereby licensed to marrie.

Si utraque pars contrahens in viduitate existens ad secundas nuptias conuolare facultatem petat, sum omnes clausula parentum consensum requirantes omitti possunt, sed Parochia utriusque contrahentis in Licentia exprimenda sunt, ac Parochia ubi matrimonium celebrabitur, designanda.

D 2

64 ms

12/13 per